



DEWAN BANDARAYA KUALA LUMPUR

UNIT MEDIA (JABATAN PERANCANGAN KORPORAT)

TEL : 03-2617 9812 FAKS : 03-2694 1373 E-MAIL : akhbar@dbkl.gov.my

()dlm.DBKL / JPRK /

KENYATAAN MEDIA

(Untuk Siaran Serta Merta)

PROGRAM KENDURI WILAYAH PERSEKUTUAN KUALA LUMPUR

TEMA DAN OBJEKTIF SAMBUTAN HARI WILAYAH PERSEKUTUAN 2020

- Tahun 2020 merupakan **kali ke-16 sambutan Hari Wilayah Persekutuan**. Tema sambutan adalah "Sayangi Wilayahku" seiring dengan usaha integrasi nasional dan kesejahteraan yang menjadi penggerak utama agenda negara.
- "**Sayangi Wilayahku**" menjadi penggerak utama agenda memperkasakan perpaduan dalam kalangan lapisan masyarakat majmuk di samping menjadikan Wilayah Persekutuan Kuala Lumpur sebagai sebuah bandar yang maju dan sejahtera dengan persekitaran yang bersih, selesa, kemudahan pengangkutan yang kondusif, infrastruktur yang sistematik dan seterusnya meningkatkan produktiviti warganya.
- Tema ini bertepatan dengan aspirasi Kementerian Wilayah Persekutuan yang ingin menjadikan Kuala Lumpur, Putrajaya dan Labuan sebagai sebuah bandar yang ceria dalam aspek persekitaran yang bersih serta indah, kehidupan yang kondusif dan selamat seiring dengan konsep **sense of belonging** yang ingin diterapkan kepada warga Wilayah Persekutuan.
- Kesejahteraan warga Wilayah Persekutuan dalam segala aspek turut **menjadi keutamaan** untuk memastikan semangat perpaduan, kekitaan, kebersamaan dan perasaan sayang kepada Wilayah Persekutuan terus teguh di kalangan warga Wilayah Persekutuan.
- Mengekalkan konsep sambutan Program Kenduri Wilayah seperti tahun sebelumnya, Parlimen Wangsa Maju telah dipilih menjadi tuan rumah mewakili Wilayah Persekutuan Kuala Lumpur. Konsep ini dapat **membawa penjimatan dan mengelakkan pembaziran** selaras dengan hasrat kerajaan baharu Pakatan Harapan.
- Kehangatan dan kemeriahan sambutan Hari Wilayah tetap diteruskan sebagaimana pada tahun-tahun sebelumnya **hasil kerjasama strategik** Kementerian Wilayah Persekutuan bersama Dewan Bandaraya Kuala Lumpur, Perbadanan Putrajaya dan Perbadanan Labuan. Sebagai contoh dalam acara Perbarisan Hari Wilayah pada 1 Februari 2020 di Dataran Merdeka pada 2 (dua) minggu lepas yang turut disertai Kontigen Jabatan Penguatkuasaan Perbadanan Labuan.

PENGISIAN PROGRAM HARI WILAYAH PERSEKUTUAN 2020

- Kementerian WP telah **menyediakan sebanyak 29 program** bagi menyemarakkan SHWP 2020 bagi mengeratkan hubungan warga kota, Putrajaya dan Labuan. Program-program yang dirangka adalah inklusif kepada semua golongan samada muda, belia, keluarga dan seluruh komuniti.
- Kesemua program dilaksanakan di bawah lima kluster utama iaitu **Kluster Pengiktirafan, Kluster Mesra Rakyat, Kluster Sukan dan Rekreasi, Kluster ilmiah dan Kerohanian** dan **Kluster inisiatif Mensejahterakan Rakyat**.
- Di bawah **Kluster Pengiktirafan**, istiadat Pengurniaan Darjah Kebesaran, Bintang dan Pingat Wilayah Persekutuan telah dianugerahkan kepada kira-kira 200 orang penerima yang telah diadakan pada 1 Februari 2020 di Istana Melawati, Putrajaya.
- **Kluster Mesra Rakyat** pada hari ini dilaksanakan program Kenduri Rakyat serta program agensi KWP, PLANMalaysia Bersama Komuniti dan Majlis Perasmian KIOSK@11.
- Terdapat 11 program yang dirangka di bawah **Kluster Sukan dan Rekreasi** yang sesuai untuk semua lapisan masyarakat. Antara program yang dianjurkan ialah Karnival Sukan Wilayah Persekutuan Putrajaya dan Labuan, Larian Wilayahku, Putrajaya Base Jump dan Art. Selain itu, terdapat program Putrajaya Wall Climbing Challenge, Pertandingan Memancing Putrajaya, Putrajaya Wind Orchestra Competition, Jejak Warisan @ Pintasan Saloma Fun Walk, Budi Wilayahku Half Marathon dan Run for Wilayah yang diadakan pagi tadi di Dataran DBKL, Jalan Raja Laut, WPKL.
- **Kluster Ilmiah dan Kerohanian** adalah merupakan Khutbah Khas sempena Sambutan Hari Wilayah Persekutuan di semua masjid dan surau Jumaat di Kuala Lumpur, Putrajaya dan Labuan pada 31 Januari yang lalu. Program Prima Dakwah Wilayahku melalui tema perpaduan, keamanan dan kesatuan dikeyengahkan supaya mesej tersebut dapat dihayati oleh warga Wilayah.
- Melalui **Kluster Inisiatif Mensejahterakan Rakyat**, terdapat tiga program antaranya Ziarah Kasih SHWP 2020, Program Tanggungjawab Sosial Korporat (CSR) SHWP dan Program Inisiatif Wilayah Peduli WPKL.
- Sebagai satu pendekatan berhemah untuk berjimat cermat, perbelanjaan bagi penganjuran kesemua program ini adalah kira-kira **RM1.5 juta** sahaja berbanding dengan penganjuran tahun 2019, kita membelanjakan kira-kira RM2.5 juta.
- KWP sentiasa menggalakkan penglibatan pihak swasta melalui **program CSR sepanjang sambutan Hari Wilayah Persekutuan tahun ini**. Program Inisiatif Wilayah Peduli WPKL dan Ziarah Kasih adalah sebagai galakan kepada pihak swasta untuk melakukan program CSR.

PUBLISITI TAHUN KEDUA TEMA BARU KWP "WILAYAH PEDULI, HARAPAN DIPENUHI"

- Kementerian **sentiasa mendukung usaha kerajaan** dalam memastikan kebajikan warga Wilayah Persekutuan khususnya. KWP telah melancarkan dasar dan hala tuju di bawah program Wawasan Wilayah Persekutuan dengan tema "**Wilayah Peduli, Harapan Dipenuhi**" pada tahun 2019.
- Tema ini menggambarkan usaha warga Wilayah Persekutuan **membentuk suasana Peduli, Sihat dan Selamat**. Wawasan ini memfokuskan **6 (enam) paksi utama** iaitu **bandar raya yang bersih, keselamatan awam, pengangkutan awam yang cekap, dasar sosioekonomi mapan, persekitaran hijau** dan **komuniti inklusif**. Ini adalah bagi memastikan perancangan untuk menjadikan Wilayah Persekutuan sebagai bandaraya lestari dan berkualiti dapat diteruskan.

INISIATIF KESEJAHTERAAN RAKYAT

- Kerajaan pada hari ini **sentiasa prihatin akan permasalahan yang dihadapi oleh rakyat jelata** dan cuba mencari jalan penyelesaian yang terbaik. KWP dan Dewan Bandaraya Kuala Lumpur telah mengenal pasti beberapa inisiatif bagi meningkatkan kesejahteraan penduduk Wilayah Persekutuan Kuala Lumpur.
- Fokus Kementerian Wilayah Persekutuan bagi tahun 2020 akan menjurus kepada inisiatif **Memperkasa Miskin Bandar, Membina Wilayah Gemilang**.
- Pada 5 Disember 2019, Kementerian Wilayah Persekutuan telah menganjurkan **Seminar Membasmi Kemiskinan Bandar** dengan kerjasama NGO. Hasil dari perbincangan tersebut sebanyak 16 kertas kerja telah dibenteng oleh pelbagai pihak dari pelbagai jabatan kerajaan, NGO, akademik dan tokoh masyarakat.
- Satu Pelan Induk bagi **menangani isu miskin bandar** dengan kerjasama jabatan-jabatan kerajaan dan NGO akan disediakan ini dalam waktu terdekat. Melalui pendekatan ini isu kemiskinan bandar serta nasib orang miskin atau lebih tepat lagi Orang Susah di Wilayah Persekutuan akan terbela sejajar dengan fokus KWP bagi tahun 2020.
- Kementerian sentiasa berusaha **memberi keselesaan kepada penduduk-penduduk terutama di Perumahan Awam dan Perumahan Rakyat** dalam meningkatkan tahap ketersediaan fasiliti seperti lift, dewan-dewan, surau, rumah sampah dan penyelenggaraan jalan.
- Bagi tujuan tersebut, Kementerian telah melaksanakan **Program CSR anak angkat Perumahan Awam dan Perumahan Rakyat** yang mana Kementerian menggalakkan penglibatan pihak swasta terutama dalam memanfaatkan tanggungjawab sosial pihak mereka dengan mengembalikan sebahagian dari keuntungan perniagaan kepada golongan yang memerlukan.
- Mereka **tidak perlu memberi sumbangan** atas kepentingan politik namun mereka dapat membantu seperti membina dewan terbuka, mengecat bangunan perumahan yang usang, membaiki padang permainan, mengadakan gotong royong dan pelbagai lagi inisiatif membantu perumahan rakyat dan perumahan awam ini.

- Wilayah Persekutuan yang maju dan makmur hanya dapat dicapai apabila **wujudnya keadilan ekonomi dalam masyarakat**. Perkongsian penuh dalam kemajuan ekonomi tidak bermaksud perkongsian penuh dalam kemiskinan tetapi bermaksud imbalan adil dari segi penyertaan dan sumbangan semua kaum – termasuk bumiputera Sabah dan Sarawak.
- Semua warga Wilayah Persekutuan Kuala Lumpur diseru **untuk sama – sama memajukan diri dan berusaha** gigih dalam mencapai kejayaan Wawasan Kemakmuran Bersama 2030.
- Sambutan Hari Wilayah Persekutuan 2020 ini dapat memupuk lagi rasa cinta dan sayang kepada Wilayah Persekutuan seiring dengan tema "Sayangi Wilayahku".

Dikeluarkan oleh :

Unit Media
Jabatan Perancangan Korporat
Dewan Bandaraya Kuala Lumpur
16 Februari 2020
22 Jamadilakhir 1441H